

Uunga siunnersuut: Inatsisartut aalajangiiffigisassaattut siunnersuut, tassalu Naalakkersuisut pequneqassasut inatsisissatut siunnersuuteqarnissaannik, tamatumani qularnaarneqasalluni naalakkersuinikkut partiini sulinermut pisortat tapiissutaannik akiitsoqartoqassappat ilanngaasarnissamut.

(Inatsisartunut ilaasortaq Andreas Uldum, Demokraatit)

Akissuteqaat

(Aningaasaqarnermut Nunamullu Namminermet Naalakkersuisoq)

Siullermeerneqarnera

Naalakkersuinikkut sulinermut aningaasatigut tapiissuteqartarnek pillugu Inatsisartut inatsisaat nr. 1, 31. maj 2001-imeersoq naapertorlugu pisortat partiinut tapiissutaat naalakkersuinermit sulinermit ukiumoortumik tunniunneqartarput. Taamaalilluni naalakkersuinikkut partii Inatsisartuni sinniisuutitaqartoq partiip naalakkersuinikkut sulineranut tapiissuteqarfigineqarnissamut pisinnaati-taaffeqarpoq. Partiinut Inatsisartuni ilaasortaataqartumut ataatsimut tapiissutaasartut 100.000 kr.-iusarput.

Tapiissuteqartarnermut siunertaavoq partiit inunnit ataasiakkaanit isumalluuteqartarnerisa anni-killisinneqarnissaat, taamaaliornikkullu partiit inuillu ataasiakkaat qineqqusaartut inuiaqatigiit ataa-siakkaat soqutigisaannik isumaginninnginnissaannut pasitsaassisinnaaneq pinngitsoortinniarlugu.

Kalaallit Nunaanni eqqartuussisoqarnermi sulineq pillugu inatsit naapertorlugu Akiliisitsiniartussaa-titaasut aningaasanik akiitsulimmut nakkartussanik ilanngaasinnaatitaapput. Aalajangersagaq iserti-tanik akissarsisitsisarnermi atuutsinneqartarpoq, taamaattumik nalinginnaasumik isumaqartoqarpoq, aalajangersagaq assersuutigalugu naalakkersuinikkut partiinut akiliuteqartarnermi atuutsinneqarsin-naangitsoq.

Taamaattorli peqatigiiffiit, suliffeqarfiit innuttaasulluunniit pisortanut akiitsoqalissappata, Akilii-sitsiniartussaatitaasut akiitsunik akiliisitsinissamut periarfissaqartinneqarput. Taamaalilluni Akilii-sitsiniartussaatitaasut partiit aningaasaataannik pinngitsaaliissummik piumasaqaateqarnissamut periarfissaqartinneqarput, tamatumunnga ilanngullugu aningaaseriviit kontuini uninngasuutiniit.

Taamaalilluni ullumikkut naalakkersuinikkut partiini pissarsiassat piniarneqarnissaannut periarfissa-qareerpoq. Tamatumunngalu tunngatillugu naalakkersuinikkut partiini, suliffeqarfinni peqatigiiffin-niluunniit assigiinngisitsisoqanngilaq.

Naalakkersuisulli paasisinnaavaat, partiit Inatsisartuni issiatitaqartut Akiliisitsiniartussaatitaasuni ullumikkut akiitsoqartoqarnerannik allattugaateqartoqannginnera.

Taamatut oqaaseqarlutik Naalakkersuisut inassutigaat siunnersuut akuersissutigineqassanngitsoq.